

亥 21

3-13415

圖  
經  
衍  
義  
本  
草

十  
五



圖經衍義本草卷之三十五

嚴二

圖經衍義本草卷之三十六

嚴三

圖經衍義本草卷之三十七

嚴四



圖點評毒本草卷之三十五

上海涵芬樓影印正統道藏本

圖點評毒本草卷之三十五



圖經衍義本草卷之三十五

嚴三

宋通直郎辨驗藥材冠宗堉編撰

宋太醫助教辨驗藥材許洪校正

果部上品

豆蔻



**豆蔻** 味辛溫無毒主溫中心腹痛嘔吐去口臭氣生南海

圖經曰豆蔻即草豆蔻也生南海今嶺南皆有之苗似蘆葉似山薑杜若輩根似高良薑花作穗嫩葉卷之而生初如芙蓉穗

嚴二

頭深紅色葉漸展花漸出而色漸淡亦有黃白色者南人多採以當果實尤貴暴乾者煎湯服之極能除冷氣止霍亂消酒食毒甚佳

藥性論云草豆蔻可單用能主一切冷氣

陶隱居云味辛烈者為好甚香可常含之

其五和糝中物皆宜人廉薑最溫中下氣

益智熱枸櫞溫甘蕉麋目並小冷爾○糝

素感切 枸音矩 櫞音公 麋音几

唐本注云豆蔻苗似山薑花黃白苗根及

子赤似杜若枸櫞性冷陶云溫誤爾今注

比草豆蔻也下氣止霍亂

日華子云豆蔻花熱無毒下氣止嘔逆除

霍亂調中補胃氣消酒毒○又云山薑花

暖無毒調中下氣消食殺酒毒

禹錫云按蜀本圖經云苗似杜若春花作穗端乃芙蓉四房生於莖下白色花開即黃根似高良薑實若龍眼而無鱗甲中如石榴子莖葉子皆味辛而香十月收今苑中亦種之

嚴二

二

海藥云豆蔻生交趾其根似益智皮殼小厚核如石榴辛且香蒟草樹也葉如茺蘭而小三月採其葉細破陰乾之味近苦而有甘

千金方治心腹脹滿短氣以草豆蔻一兩



去皮爲末以木瓜生薑湯下半錢  
衍義曰豆蔻草豆蔻也味極辛微香此是  
對肉豆蔻而名之若作果則味不和不知  
前人之意編入果部有何意義性溫而調  
散冷氣力甚速花性熱淹置京師然味不  
甚美微苦必爲能消酒毒故爲果花乾則  
色淡紫

藕實



**藕實**

莖味甘平寒無毒主補中養神益氣力  
除百疾久服輕身耐老不饑延年一名水芝

藏二

三

丹一名蓮生汝南池澤八月採

圖經曰藕實莖生汝南池澤今處處有之  
生水中其葉名荷謹按爾雅及陸機疏謂  
荷為芙蕖江東呼荷其莖茄其葉蓮茄蓮  
二音或作葭其本薔莖下白藕在泥中者



其華未發爲菡萏已發爲芙蓉其實蓮上  
謂房也其根藕凡此數物今人皆以中藥  
藕生食其莖主霍亂後虛渴煩悶不能食  
及解酒食毒花鎮心益顏色入香尤佳荷  
葉止渴殺葷毒今婦人藥多用荷葉者葉  
中帶謂之荷鼻主安胎去惡血留好血實  
主益氣其的至秋表皮黑而沉水者謂之  
石蓮陸機云可磨爲飯如粟飯輕身益氣  
令人強健醫人炒末以止痢治腰痛又治  
噦逆以實人六枚炒赤黃色研末冷熱水

半盞和服便止惟苦蕒不可食能令人霍

亂大抵功用主血多效○藕

音若

藥性論云藕汁亦單用味甘能消瘀血不

散即搗汁主吐血不止口鼻並皆治之

陶隱居云此即今蓮子八月九月取堅黑

者乾搗破之花及根並入神仙用今云莖

恐即是根不爾不應言甘也宋帝時大官

作血蝕庖人削藕皮誤落血中遂皆散不

凝醫用藕療血多效

唐本注云別錄云藕主熱渴散血生肌久



服令人心喜

陳藏器云荷鼻味苦平無毒主安胎去惡  
血留好血血痢煮服之即荷葉蒂又葉及  
房主血脹腹痛產後胎衣不下酒煮服又  
主食野菌毒水煮服鄭玄云芙蕖莖曰荷  
的中薏食之令霍亂

服二

四

陳士良云蓮子心生取爲末以米飲調下  
三錢療血渴疾產後渴疾服之立愈

日華子云藕溫止霍亂開胃消食除煩止  
悶日乾渴疾止怒令人喜產後血悶生研

服亦不妨可及金瘡并傷却止暴痛熬煮  
食大開胃節冷解熱毒消瘀血產後血悶  
合地黄生研汁熱酒并小便服並得○又  
云蓮子溫并石蓮益氣止渴助心止痢治  
腰痛治泄精安心多食令人喜又名蓮的  
蓮子心止霍亂○又云荷葉止渴落胞殺  
葷毒并產後口乾心肺燥煩悶入藥炙用  
之○又云蓮花暖無毒鎮心輕身益色駐  
顏入香甚妙忌地黄蒜  
孟詵云藕生食之主霍亂後虛渴煩悶不

能食其產後忌生冷物惟藕不同生冷爲  
能破血故也又蒸食甚補五臟實下焦與  
蜜同食今人腹臃肥不生諸蟲亦可休糧  
仙家有貯石蓮子及乾藕經千年者食之  
至精矣○又云蓮子性寒主五臟不足傷  
嚴二中氣絕利益十二經脉血氣生食微動氣  
五蒸食之良又熟去心爲末蠟蜜和丸日服  
三十丸令人不饑此方仙家用爾  
禹錫云按蜀本圖經云此生水中葉名荷  
圓徑尺餘爾雅云荷芙蕖其莖茄其葉葢

其本莖其華菡萏其實蓮其根藕其中的  
的中薏是也爾雅釋曰芙蕖其總名也別  
名芙蓉江東呼荷菡萏蓮葉也的蓮實也  
薏中心也郭云莖下白藕在泥中者今江  
東人呼荷葉爲芙蓉北方人便以藕爲荷  
亦以蓮爲荷蜀人以藕爲茄或用其母爲  
華名或用根子爲母葉號母皆名相錯習  
俗傳誤失其正體也陸機疏云蓮青皮裏  
白子爲的的中有青爲薏味甚苦故里語  
云苦如薏是也



孫真人云蓮子不去心食成霍亂

食醫心鏡云藕實味甘平無毒主補中養神益氣力除百病久服令人歡心止渴去熱輕身耐老不饑延年其根止熱渴破留血生肌久服令人悅澤矣

聖惠方治時氣煩渴用生藕汁一半盞入生蜜一合令勻分爲二服○又方治撲打隊損惡血攻心悶亂疼痛以火乾荷葉五斤燒令煙盡細研食前以童子熱小便一小盞調三錢七日三服

千金方治墜馬積血心腹唾血無數乾花  
根爲末酒服方寸匕日三服

經驗後方主吐血咯血以荷葉焙乾爲末  
米湯下二錢匕

梅師方治產後餘血不盡奔上衝心煩悶

嚴一

腹痛以生薑汁一升飲之

救急方治產後血不盡疼悶心痛荷葉熬  
令香爲末煎水下方寸匕

集驗方治漆瘡取蓮葉乾者一斤水一斗

煮取二升洗瘡上日再即差

